



Melele ko Rejimwe kin Wā eo ñan Jukjukinbed ko an Kabuñ in Katolik

Ewōr ke mōttan ak kaneek in ko iloan wā ko an COVID-19?

Ilo aer kar maron kōjberbal lain in cell jen ko ñan kōmman ak kōmadmōde wā ko an COVID-19, wā ko make ejellok kobban jabdewōt cell ak mōttan ko ear mij.

Wā ko an **Pfizer-BioNTech and Moderna** rejab kōmman ilo aer kōjberbal cell jen ko. Rar kōjberbal cell jen ko ilo kar jinoin an kōmman im teej wā kein.

- Kij in nañinmij rej aikuj cell ko remour ñan aer eddek. Rikatak ro emōj aer kōmman “lain in cell” jen cell ko remour im rar make bar kōmman cell iloan jikin kakōlkōl eo, im rej jberbal ñan kaddek kij in nañinmij ko. Ilo kar jinoin an kōmman wā ko an COVID-19, **juon lain in cell an ko** ear jberbal ñan teeje mōttan eo elab kobban, messenger RNA, im ear jberbal einwōt aer kar kōnaan. Teej ko rar kwalok ke messenger RNA, ilo ien aer bed ilo cell ko an armij, ej kōmmāne juon protein ear kōmman jen kij in nañinmij im ej kōmman ad kein bōbrae jen kij in nañinmij eo ej kōmman COVID-19.

Wā eo an Johnson & Johnson ej kōmman ilo an kōjberbal juon lain in cell jen ko.

- Wā eo an Johnson & Johnson ej kōjberbal juon kij in nañinmij (“Adenovirus 26”) im ebañ make kōmmāne bar juon. Ilo ien eo kij in nañinmij eo ej bed ilo cell ko an armij, rej kōmmāne ejjā protein eo ear kōmman jen kij in nañinmij einwōt wā ko jet, im ej kōmman ad kein bōbrae jen COVID-19. An kōmman wā in ejab aikuj aer kōjberbal lain in cell an ko in niñniñ, jejjetin PER.C6.

Ta in lain in cell an ko?

Lain in cell an ko rej kaddek ilo jikin kakōlkōl ko jen cell ko rar bōk jen kobban ko. Ejellok jemlok in aer maron eddek. Ro rar kōmmāne wā eo an COVID-19 emōj aer kar kōjberbal ruo lain in cell jen ko jen tōrre ko maanlok ilo aer teej ak kōmmani wā ko:

- HEK-293 - Juon lain in cell jen kitini im emōj kar kōjenolok jen ko eo iturinlok 1972.
- PER.C6 - Juon lain in cell jen iju in māj im emōj kar kōjenolok jen ko eo ear mij ilo 1985.

An kōmman wā kein rej aikuj lain in cell kein ejab aikuj ad wuror in mañe niñniñ ko iloan lojeen kora, kinke cell kein ejellok jemlok in aer bar kōmman iloan jikin kakōlkōl eo.

[Jaat in](#) ej kōlaajrak jet wā ko an COVID-19 rej kōmmani kiō im elañe rej kōjberbal im wāween aer kōjberbal lain in cell jen ko. tinyurl.com/420cndxg

Ta eo ritōl ro an kabun eo an katolik rej ba kin jimwe in tōmak ñan bōke wā eo?

Juon enaan ilo [Tijemba 11, 2020](#), jen **Kwelok eo an Bishop in Katolik ilo U.S.** ear ba, “Ilo ad lale joñan jorren eo elab im emōj an jelōte aoleben lal in im kin an ejellok wā ko jet, wūnin ad maron kōmelim wā ko an COVID-19 rekāāl jen Pfizer im Moderna ebwe joñaer ko ñan ad kamool ad maron kōjerbali jekdoñ aer jab kobalok ñan jimwe eo ilo ad kōjermal lain in cell ko emōj aer jorren.”

Bishop ro rar ba ke armij ren kajeoñ in jab bōk wā eo ej kōjermal adenovirus eo ej eddek ilo lain in cell jen ko elañe ewōr wā ko jet; bōta ñe juon armij emaron kelet wā eo ej bōke ilo an jab karumij an maron wā emelim an bōke wā eo.

Bishop ro rar bar ba ke bōke wā eo ej juon “mantin jibañ ñan ro jet uwaan jukjukinbed eo ad.” Rar rōjañ bwe riKatolik ren kajitōke wā ko rar jab kōjermal mōttan ko rar jorren ilo ien eo ewōr.

tinyurl.com/522snzv5

Kajitok ko ekkā kajitōki

Wā eo ej ke letōk kejbarok? Aet. Obij eo ej bōk eddon kakien mōñā im uno (FDA) ej aikuji an lukkun teej kin kejbarok mokta jen aer kōmelim ak kōtōbrak jabdewōt wa. Taujin armij - ekoba armij in Oregon - jen elōñ oktak ko aer, joñan yiō, im jukjukinbed ko armij rejab mouj kilier, rar bōk kwōnaer ilo teej eo an wā. Katak kein rar kōmman ñan loloorjak ke wā ko rej ion joñan kejbarok ko im rej kejbarok armij ro oktak joñan yiō ko aer, im lal ko aer.

Ewōr ke kejbarok ñan bōk wā eo elañe ewōr juon aō nañinmij? Aet. Wā eo an COVID-19 elabtata an aurōk ñan armij ro ewōr kadede aer nañinmij, einwōt jorren menono, nañinmij in ār, toñal, im kileb. Armij ro ewōr aer nañinmij kein elablok aer maron lukkun nañinmij kin COVID-19. Armij ro ewōr aer nañinmij kein rar bar mōttan katak in wā eo.

Ak abnōnō ko remaron walok ālikin wā? Ekkar ñan FDA, abnōnō ko elabtata aer ekkā ilo kar katak ko an wa eo an COVID-19 ekkar metak, būrōrō ak ebbōj ilo jikin eo rar wākare, mōk, metak bar, biō, metak majel im mokwōjan enbwin. Abnōnō kein rej melelein wā eo ej jermal ñan katakin enbwin wāween an manne COVID-19 elañe kwōnaj kebaake. Ñan elōñ armij, abnōnō kein rebañ aitōklok aer walok jen jet raan. Ñe ewōr jabdewōt abnōnō ibbam, kūrlok juon taktō ak nōj.

Imaron ke kelet wā ta eo ij bōke? Ilo an eiit wōt joñan wā ko ilo tōrre in, kwōmaron jab maron kelet wā eo an COVID-19 ta eo kwōj bōke. Mae ien eo enaj lablok joñan wā ko, wā eo emmontata ñan am bōke ej wā eo kwōmaron bōke kiō.

Ewōr ke kein ebōk melele (microchip) iloan wā eo bwe kien eo en maron anōke na? Ejellok kein ebōk melele (microchip) iloan wā ko an COVID-19 ñan anōke armij. Bok in wā ko rej jilkinlok rej anōki ial ko aer, einwōt jabdewōt men ko jet jej jilkinlok, ñan loloorjak ke rej ajej ilo jikin ko rej aikuji im ñan bōbrae koot. Ewōr melele kin ia eo kwar bōk wā eo am ñan loloorjak emōj am bōk aoleben joñan wā ko kwōj aikuji.

Maron loe beba in: Ñan kajojo armij ro ewōr aer utamwe ak kajojo armij ro rej kenono bar juon kajin oktak jen Kajin Belle, OHA emaron lewaj melele ilo wāween ko jet einwōt ukok, jeje ko relab, ak braille. Kebaak Jikin Melele in Eymour ilo 1-971-673-2411, 711 TTY ak COVID19.LanguageAccess@dhsosha.state.or.us.